

Аврагчийн эцсийн бөгөөд ганцаараа хийсэн аялал

Шакэлл Вордлэй
Сүмийн сэтгүүлүүд

Аврагч мөнх бус амьдралынхаа туршид, тухайлбал нялх байхдаа Бетлехемээс Египет улс руу хийсэн аялал, цөл дэх 40 өдрийн аялал, тохинуулах үеэрээ заах, эдгээх, адислахаар хот, тосгон, орон гэрүүдэд хийсэн аялал гэх мэт олон аялал хийсэн. Гэвч нэг л аяллыг Аврагч ганцаараа хийх ёстой байсан ба зөвхөн Тэр л тэсэж гарч чадах байв.

ЛУИ РОЙЕР, РЕЙКСМУСЕУМ, ЭССЭ ХОМО

“Бид Христийн амилсны баярын ням гарагт дэлхийн түүхэн дэх хамгийн удаан хүсэн хүлээсэн агуу үйл явдлыг тэмдэглэдэг.

Энэ бол бүхнийг өөрчилсөн өдөр.

Энэ өдөр миний амьдралыг өөрчилсөн.

Та нарын амьдрал ч мөн адил өөрчлөгдсөн.

Мөн Бурханы бүх хүүхдийн хувь тавилан өөрчлөгдсөн билээ.”

Тэргүүн Зөвлөлийн хоёрдугаар зөвлөх, ерөнхийлөгч Дийтр Ф.Угдорф, “Ач ивээлийн бэлэг,” 2015 оны 4-р сарын Ерөнхий чуулган, 95.



Simon Dewey

СИМОН ДЮВЕЙ, АЙ ЭЛГЕ МИНЬ

Зүйрлэхийн аргагүй зовлон шаналал

Христийн Гетсеманийн цэцэрлэгт хийсэн зүйлийн Хбүрэн дүүрэн утга учрыг мөнх бус хүмүүний оюун ухаан ойлгож чадахгүй.

Түүний сүв бүрээс үлэмж их цус шүүрэн, Эцэгийнхээ оноосон гашуун аяганы шаарыг шавхан уусан билээ.

Тэр бие, сүнс аль алинаар, ямар ч хүн үхэлгүй тэсэн гарах боломжгүй тийм байдлаар зовж шаналсныг бид мэднэ.

Түүний зовлон шударга ёсны шаардлагыг хангаж, бидний ойлгохын аргагүй арга замаар наманчлагч хүмүүсийг өвдөлт болон нүглийн шийтгэлээс аварч, Түүний ариун нэрэнд итгэдэг хүмүүст нигүүлслийг боломжтой болгосныг бид мэднэ.

Өвдөлт, сэтгэл санааны тарчлалын хэмжээлшгүй ачаа дарамт нь Түүнийг дагжин чичрэхэд хүргэж, тэрхүү гашуун аяганаас уухгүй байж болохгүй гэж үү гэж бодохдоо Түүнийг элгээрээ газарт унасныг бид мэднэ.”

Elder Bruce R. McConkie (1915–85) of the Quorum of the Twelve Apostles, “The Purifying Power of Gethsemane,” *Ensign*, May 1985, 9.

Амьдралдаа хэрэгжүүлэх нь: Аврагч Цагаатгалыг хийх үеэрээ бүх төрлийн өвчин зовлонг амссан гэдгийг бид сайн ойлгодоггүй байж магадгүй юм. Тэрээр хугарсан яснаас авхуулаад хамгийн хүнд архаг өвчин гээд бие махбодын бүхий л өвчин зовлонг ойлгодог. Тэрээр сэтгэл гутрал, түгшүүр, донтолт, ганцаардал, уй гашуу гэх мэт сэтгэлийн өвчин зовлон ямар хар бараан байдгийг, хэчнээн их цөхрөлд хүргэдийг мэдэрсэн. Түүнчлэн Тэр хүн төрөлхтний бүх гэм нүглийг Өөр дээрээ авсан учраас бүхий л сүнслэг шархыг мэдэрсэн билээ.

Арван хоёр Төлөөлөгчийн Чуулгын ахлагч Дэвид А.Бэднар: “Бид сул дорой байдлаасаа болж, ‘Ийм хүнд ачааг хэн ч мэдэхгүй, хэн ч ойлгохгүй шүү дээ’ хэмээн дуу алдан хашгирч мэднэ. Харин Бурханы Хүү төгс мэддэг ба төгс ойлгодог, учир нь Тэрээр бидний хүн нэг бүрийн ачааг мэдэрч, үүрсэн юм” гэж заасан (“Тэд ачаагаа амархан дааж чадахын тулд,” 2014 оны 4-р сарын Ерөнхий чуулган, 108).